

什邡縣志卷四十

隱逸志

漢

朱倉字雲卿什邡人也受學於蜀郡張寧飧豆飲水以諷誦同業憐其貧資給米肉終不受著河洛解家貧恒以步行為郡功曹每察孝廉羞碌碌詣公府試不就州辟治中從事以諷詠自終

華陽國志

明

曹楷字少軒號西湖外史邑明經幼穎悟好學能文

■什邡縣志

卷四十

隱逸

一

萬歷辛丑邑令董君成龍延修縣志會董擢太原知府去不果終劉君文枻繼任復延楷纂輯成帙生平雅有文行家居自好惟以嗜古力學為事由是名譽益彰遠邇求文者日踵其門年八十餘卒所著遊瑩華記甚古雅

劉志

按曹氏一門係什邡盛族今西南二鄉高冢纍纍先年以報墾之故凡有鉅碑字悉鐫去幸有存者亦姓名不全無可搜記然俗猶呼為曹家墳曹家壩曹家橋等云

史志

徐應聘字光宇邑諸生性倜儻讀書龍居山鑿崖爲
室題曰水雲又嘗於羅漢寺之西偏築室樹桂名
曰桂香館徧列古玩容與於其間邑士曹楷高輦
輩皆有詩文以美之應聘尤精內典以隱終身或
云登賢書未仕卒

劉志

國朝

黃霖字玉符號菊英老人邑貢生嗜酒工詩畫後移
家成都蘇坡橋巡撫李公辟爲記室不就策蹇攜
榼日肆登臨興之所至高吟不輟著有蜀紀畧歸

■什
■邠
■縣
■志

卷四十

隱逸

二

農百咏山雞等集俱散佚無傳